



Broj: 01/10-11-1171/22

Sarajevo, 17.02.2022. godine

Na osnovu člana 2. stav (1) Odluke o stipendiranju učenika srednjih škola iz Budžeta Grada Sarajeva ("Službene novine Kantona Sarajevo", broj 7/22), gradonačelnica Grada Sarajeva raspisuje:

KONKURS

za stipendiranje učenika srednjih škola iz Budžeta Grada Sarajeva za 2022. godinu

Stipendije Grada Sarajeva dodjeljuju se za školsku 2021/2022 godinu, a sredstva za realizaciju su obezbijeđena u Budžetu Grada Sarajeva za 2022. godinu.

Visina mjesečne stipendije iznosi 100,00 KM po učeniku, što za 9 (devet) mjeseci iznosi ukupno 900,00 KM.

Pravo učešća na Konkursu imaju učenici srednjih škola:

- a) koji imaju prebivalište/boravište na području jedne od četiri gradske općine (Centar, Stari Grad, Novo Sarajevo i Novi Grad);
- b) koji se nalaze na redovnom školovanju;
- c) koji ne obnavljaju razred i
- d) koji nisu korisnici stipendija iz drugih izvora.

Kriteriji za stipendiranje i način bodovanja:

a) nizak porodični standard i otežani uslovi života

- 1) učenik bez oba roditelja; (20 bodova);
- 2) učenik bez jednog roditelja; (15 bodova);
- 3) učenik čija su oba roditelja nezaposlena; (10 bodova);
- 4) učenik čiji je jedan roditelj nezaposlen; (5 bodova);
- 5) višechlane porodice, odnosno porodice sa troje i više djece (5 bodova za troje djece, svako sljedeće dijete 1 bod);
- 6) ukupni prihodi po članu domaćinstva u odnosu na prosječnu platu u Federaciji BiH za prethodnu godinu, i to: (do 25%, 5 bodova i od 25%-50%, 3 boda).

b) učenici srednjih strukovnih/zanatskih škola; (10 bodova)

c) učenici sa najmanjom prosječnom ocjenom 4,0; (2 boda)

Ukupan prihod po članu domaćinstva 6), kao uslov za ostvarivanje prava po ovom kriteriju čine prihodi koje članovi domaćinstva ostvaruju po osnovu:

- a) plate i drugih primanja iz radnog odnosa,
- b) starosne, invalidske i porodične penzije,
- c) poljoprivredne djelatnosti,
- d) prihoda ostvarenih po osnovu imovinskih prava,
- e) prihoda ostvarenih po osnovu autorskih prava,
- f) prihoda ostvarenih po osnovu privrednih, uslužnih i drugih djelatnosti,
- g) prihoda po osnovu registrovane dopunske djelatnosti,

Adresa: Hamdije Kreševljakovića 3

71000 Sarajevo, BiH

Tel: +387 33 407 443

Fax: +387 33 208 341

Email: grad@sarajevo.ba

Web: www.sarajevo.ba



- h) prihoda od paušala zastupnika, vijećnika i prihoda od rada u komisijama, skupštinama, nadzornim odborima, upravnim odborima i odborima za reviziju.

Neophodna dokumentacija:

Učenici koji se prijavljuju na Konkurs, dužni su popuniti obrasce (Prijavu i Izjave), sa svim traženim podacima. Isto se može preuzeti na web stranici Grada Sarajeva, www.sarajevo.ba.

Učenici koji se prijavljuju na Konkurs, također su dužni priložiti dokumentaciju, kojom dokazuju ispunjenje potrebnih kriterija i to:

- a) Prijava mjesta prebivališta, odnosno boravišta (**ne starija od mjesec dana od dana prijave na Konkurs**);
- b) Potvrda o upisu u tekuću školsku godinu;
- c) Izjava učenika, odnosno roditelja/staratelja, ukoliko je učenik maloljetan, da je saglasan da se njegovi lični podaci, odnosno podaci djeteta mogu obrađivati u skladu sa članom 5. Zakona o zaštiti ličnih podataka, a za potrebe provođenja konkursne procedure;
- d) Izjava učenika, odnosno roditelja/staratelja ukoliko je učenik maloljetan da ne prima stipendiju po nekom drugom osnovu;
- e) Izvod iz matične knjige umrlih (**za učenike bez jednog ili oba roditelja**);
- f) Potvrda o nezaposlenosti koju izdaje Služba za zapošljavanje Kantona Sarajevo, Biro za zapošljavanje (**za učenike čiji je jedan ili oba roditelja nezaposlen, ne starija od mjesec dana od dana prijave na Konkurs**);
- g) Izvod iz matične knjige rođenih za djecu (**za višečlane porodice, sa troje i više djece**);
- h) ukupni prihodi po članu domaćinstva u odnosu na prosječnu platu u Federaciji BiH za prethodnu godinu;
- i) Svjedočanstvo kojim se dokazuje da je učenik prethodni razred završio sa najmanjom prosječnom ocjenom 4,0, a za učenike prvih razreda svjedočanstvo o završenom devetom razredu sa najmanjom prosječnom ocjenom 4,0;
- j) Broj bankovnog računa učenika, odnosno roditelja/staratelja ukoliko je učenik maloljetan, na koji će se vršiti uplata stipendije;
- k) Ovjerena izjava roditelja/staratelja da primaju odnosno ne primaju finansijska sredstva od paušala, prihoda od rada u komisijama, upravnim i nadzornim odborima, skupštinama i odborima za reviziju.

Ukoliko učenik želi da bude bodovan i po kriteriju h) „Ukupni prihodi po članu domaćinstva“ dužan je dostaviti i sljedeću dokumentaciju:

- a) Kućna lista o broju članova zajedničkog domaćinstva, uz obavezno dostavljanje odgovarajućeg dokumenta za svakog člana domaćinstva, kojim se dokazuje njihov status, u protivnom neće biti bodovan po navedenom kriteriju,
- b) Potvrda o redovnom školovanju člana porodice, odnosno rodni list za predškolsko dijete,
- c) Potvrda o visini plate za posljednji mjesec,
- d) Ček od penzije za posljednji mjesec,
- e) Uvjerenje o prihodima ostvarenim po osnovu poljoprivredne djelatnosti, imovinskih i autorskih prava, privrednih, uslužnih i drugih djelatnosti, te dopunskih djelatnosti, koje izdaje Porezna uprava.

Dokumentacija koja se dostavlja za kriterij „Ukupni prihodi po članu domaćinstva“, a koja se odnosi na „Uvjerenje o prihodima ostvarenim po osnovu poljoprivredne djelatnosti, imovinskih i

autorskih prava, privrednih, uslužnih i drugih djelatnosti, te dopunskih djelatnosti, koje izdaje Porezna uprava“, a iziskuje materijalni trošak za izdavanje, dostavlja se u vidu Izjave roditelja/staratelja i mora biti ovjerena.

Ukoliko se učenik nađe na preliminarnoj listi, dužan je dostaviti **original ili ovjerenu kopiju Uvjerjenja o prihodima po navedenim osnovama, a koje izdaje Porezna uprava, u roku od 10 dana.**

Sva potrebna dokumentacija kojom se dokazuje ispunjenje kriterija za stipendiranje učenika mora biti original ili ovjerena kopija.

Neblagovremene i nepotpune prijave neće biti uzete u razmatranje.

U slučaju da prijavljeni učenici imaju jednak broj ukupno ostvarenih bodova, prednost će imati onaj kandidat koji ima više bodova po osnovu niskog porodičnog standarda i otežanih uslova života.

Nakon obrade i analize svih pristiglih prijava, Komisija za razmatranje, obradu i analizu pristiglih prijava na Konkurs sačinjava preliminarnu listu stipendista, te istu dostavlja Gradonačelnici Grada Sarajeva na saglasnost. Preliminarna lista će biti objavljena na službenoj web stranici Grada Sarajeva www.sarajevo.ba.

Učenici sa preliminarne liste, a koji ostvaruju bodove i po kriteriju “Ukupni prihodi po članu domaćinstva” su dužni u roku od 10 dana od dana objavljivanja liste dostaviti original ili ovjerenu kopiju Uvjerjenja o prihodima. Nakon kompletiranja preliminarna lista postaje konačna.

Konačna lista izabranih stipendista biće objavljena na službenoj web stranici Grada Sarajeva www.sarajevo.ba i na istu nezadovoljni učenici mogu podnijeti pismeni prigovor u roku od 8 (osam) dana od dana objavljivanja iste, a po zaprimljenom prigovoru u roku od 8 (osam) dana biće pismeno obaviješteni o prigovoru.

Po završenoj proceduri gradonačelnica Grada Sarajeva će potpisati pojedinačne Ugovore o stipendiranju sa učenicima stipendistima, odnosno njihovim roditeljima/starateljima.

Stipendije će po potpisivanju pojedinačnih Ugovora biti uplaćene na bankovne račune učenika, odnosno roditelja/staratelja.

Način podnošenja prijava

Prijave na Konkurs podnose se, u roku od 15 dana, od dana objavljivanja Konkursa na službenoj web stranici Grada Sarajeva, lično na protokol Gradske uprave Grada Sarajeva ili putem pošte na adresu Gradska uprava Grada Sarajeva, Gradska služba za obrazovanje, kulturu, sport i mlade, Čemaluša broj 9, sa naznakom, „Konkurs za stipendiranje učenika srednjih škola“.

Po objavljivanju Konkursa biće objavljena Informacija o raspisivanju Konkursa, u dva štampana medija javnog informisanja.

Sve dodatne informacije mogu se dobiti u Gradskoj službi za obrazovanje, kulturu, sport i mlade putem e-maila drdjelat@sarajevo.ba, kontakt telefon: 033443152, 033407457.

GRADONAČELNICA
Doc. dr. Benjamina Karić

